

मार्निंग डोगरी न्यूज बुलेटिन, समें. 09.20 Hrs

<><><><><><>

Headlines

- जम्मू-कश्मीर च विधानसभा चुनाएं दा पैहला गेड़ सम्पन्न, 35 बरें च सब्बनें शा बद्द मतदान दर्ज कीता गेआ।
- उप-राज्यपाल मनोज सिन्हा होरें जम्मू-कश्मीर विधानसभा चुनाएं दे पैहले गेड़ तैहत होए दे रिकार्ड मतदान लेई मतदाताएं गी मुबारकबाद दिती।
- इस म्हीने दी 25 तरीक गी दुए गेड़ तैहत होने आले विधानसभा चुनाएं गितै प्रचार अभियान नै रफ्तार फगड़ी।
- प्रधानमंत्री नरेंद्र मोदी होर जम्मू-कश्मीर च होआ'रदे विधानसभा चुनाएं गितै अज्ज श्रीनगर ते कटड़ा च रैलिएं गी संबोधित करडन।

<><><><><><>

J&K Elections

जम्मू-कश्मीर च कल होए दे असैम्बली चुनाएं दे पैहले गेड़ तैहत 61 फीसद शा मता मतदान दर्ज कीता गेआ जेहड़ा पिछले 35एं बरें दौरान होए दा सब्बनें शा मता मतदान ऐ। प्रदेश दे 7एं जिलें- रामबन, डोडा, किश्तवाड़, पुलवामा, शोपियां, कुलगाम ते अनंतनाग दे सब्बनें 24 असैम्बली हल्के च मतदान पूरी रमानदारी कन्नै होआ ऐ।

चुनां आयोग नै आखेआ ऐ जे मतदान केंद्रें पर महिलाएं ते नौजवानें दी बड़ी मती हिस्सेदारी दिक्खने गी लब्बी जेड़ी प्रदेश च लोकतंत्र दी मजबूत गी बी दर्शादी ऐ। मतदाताएं बहिष्कार ते हिंसा दे खिलाफ रौंs साफ करदे होई चुनां च पूरे जोश कन्नै हिस्सा लैता। मतदान केंद्रें पर वोट पाने आलें दिएं लम्मी-लम्मी रींगें दुनिया गी जम्मू-कश्मीर दे लोकें दी लोकतांत्रिक प्रक्रिया च गैहरी आस्था ते भरोसे गी दस्सी दिता ऐ।

<><><><><><>

LG Sinha

उपराज्यपाल मनोज सिन्हा होरें विधानसभा चुनां दे पैहले गेड़ च होए दे रिकार्ड मतदान लेई मतदाताएं गी मुबारकबाद दिती। अपनी इक सोशल मीडिया पोस्ट च उनें आखेआ जे लोकें दी इस प्रक्रिया च उत्साह कन्नै हिस्सेदारी भारतीय लोकतंत्र दी मजबूती ते लोकतांत्रिक मुल्लें प्रति लोकें दे भरोसे गी दर्शादी ऐ।

<><><><><><>

Sachin Pilot and Amit Shah

सब्बे सियासी पार्टियां मते शा मते मतदाताएं गी अपने पक्खे च करने लेई अपने बड़्के-बड़्के लीडरें गी चुनां प्रचार च शामिल करा करदियां न। अखिल भारतीय कांग्रेस कमेटी दे महासचिव पाइलेट होरें जम्मू प्रांतें दे बक्ख-बक्ख हिस्सें च कांग्रेस पार्टी दे मेदवारें दे हक्कै च प्रचार कीता। उनें दावा कीता जे कांग्रेस ते नेशनल कांफ्रेंस किट्ठे रलिए जम्मू-कश्मीर च इक मजबूत नेतृत्व गी तैयार करने गितै बचनबद्ध न।

उनें दावा कीता जे कांग्रेस पार्टी, जम्मू-कश्मीर गी परतिए राज्य दा दर्जा देने गी तरजीह दिंदी ऐ जेड़ी जे जम्मू-कश्मीर दे लोकें दी बकाया मंग ऐ। तोआई बीजेपी दे सीनियर लीडर अमित शाह होर बी 20 ते 21 सितंबर गी पुंछ, मेंढर, राजौरी, थन्नामंडी ते अखनूर च चुनां प्रचार लेई आवा करदे न।

<><><><><><>

Chief Secretary

मुख्य सचिव अटल डुल्लू होर केंद्र शासित प्रदेश दी चीजे बस्ते दे म्यार ते गुणवत्ता दे नियंत्रण सरबन्धी कमेटी दी बैठक लाई। इस दौरान ... दे उच्चे मानके ते सेवाएं दे म्यार बारै चर्चा होई। बैठक दौरान बोलदे होई मुख्य सचिव होरे मुतल्लका संगठने पर जोर पाया जे ओह समे-समे पर कारोबारी इदारे दा निरीक्षण करन ते उपलब्ध करोआए जाने आहले उत्पादे ते सेवाएं दे म्यार दा जायजा लैन। डुल्लू होरे खुराक, नागरिक आपूर्ति ते उपभोक्ता मामले सरबन्धी मैहकमे पर जोर पाया जे ओह जिला सतह दे सीगे कन्ने रलिए कम्म करन। डुल्लू होरे जम्मू-कश्मीर च आर्थिक विकास, सार्वजनिक सेवा ते उपभोक्ताएं दे हित दी राखी लेई आम लोके च जागरूकता पैदा करने दी गल्ल आक्खी ते राष्ट्रीय मानके गी बनाई रक्खने पर जोर पाया।

<><><><><><>

Kashmiri Migrants

राहत ते आबादकारी आयुक्त हुंदे दफतरै मुजब प्रदेश च पैहले गेड़ तैहत होए दे विधानसभा चुनाएं च कश्मीरी विस्थापिते दी खरी मती गिनतरी च शमूलियत दिक्खी गेई।

कश्मीरी विस्थापित मतदाताएं दी सुविधा आस्तै खास मतदान केंद्र ते होर लोड़चदियां सुविधा उपलब्ध करोआइयां गेइयां। इनें मतदाताएं गी मुफ्त यातायात दी सुविधा बी उपलब्ध करोआई गेई तां जे विस्थापित कश्मीरी पंडित मतदाताएं गी सौख होई सके ते कोई बी मतदाता वोट पाने थ्वां खुंजी नेई जा। चुनां प्रक्रिया दी पूरी गतिविधिं पर वरिष्ठ अधिकारिं, आम निगरानें, माइक्रो अब्जर्बर ते होर सरबंधी अफसरें आस्सेया तक्क रक्खी गेई। चुनां प्रशासन सारे कश्मीरी विस्थापित मतदाताएं आस्तै चुनां प्रक्रिया रमानदारी कन्नै करोआने लेई बचनबद्ध ऐ।

<><><><><><>

Home Voting Poonch

पुंछ जिले दे सारे विधानसभा हल्कें लेई घरें विं मतदान करने आली सुविधा शुरू होई गेई। एह पूरी प्रक्रिया सख्त सुरक्षा बंदोबस्तें हेठ करोआई जा रदी ऐ। मतदान अमला बुजुर्ग ते दिव्यांग मतदाताएं दे घर जाइए उंदा वोट पोआ रदा ऐ। एह कार्रवाई 20 सितंबर तगर जारी रौहग। एहदे लेई 426 चुनां कर्मिं गी जेदे च मतदान अमला, माइक्रो अब्जर्बर ते होर दुए शामिल न। एह लोक बक्ख-बक्ख थाहरें जियां हवेली, सुरनकोट ते मेंढर हल्के आस्तै बनाए गेदे 176 कलस्टर पर जाडन तां जे हर योग्य मतदाता वोट पाने दे अपने अधिकार दा इस्तेमाल करी सकै, इस गल्ला गी यकीनी बनाडन। इक दिव्यांग मतदाता सकीनी बी नै इस सुविधा पर खुशी जाहिर कीती ऐ ते गलाया जे एह सुविधा मतदाताएं लेई सहायक ऐ।

<><><><><><>

J&K Visit-PM

जम्मू-कश्मीर विधानसभा चुनावों के पहले गेड़ का मतदान रमानदारी आले ढंगों सिर तोड़ चढ़ी जाने के बाद हून सियासी पार्टियों का ध्यान अगले दऊं गेड़ों के मतदान पर ऐ। बीजेपी के सीनियर लीडर के प्रधानमंत्री नरेंद्र मोदी होर अज्ज श्रीनगर के कटड़ा च चुनावों रैलियों की संबोधित करडन। मोदी होर श्रीनगर के सोनवार इलाके च शेर-ए-कश्मीर क्रिकेट स्टेडियम च इक चुनावी रैली की संबोधित करडन। दपैहरी मगरा मोदी होर श्री माता वैष्णो देवी यात्रा के आधार कैंप कटड़ा बी चुनावों प्रचार करडन। एहदे शा पहले अपने जम्मू प्रांतों के दौरें दौरान मोदी हों डोडा च बी इक रैली की संबोधित कीता हा के पिछले 10एं बरें दिएं अपनिएं उपलब्धिएं की गिनाया हा।

<><><><><><>

Dr. Jitender Singh

केंद्री मंत्री डॉ. जतिंद्र सिंह होरें आखेआ ऐ जे लखनपुर थमां बनी-बसोहली आले रस्तेयां डोडा तगर के छतरगला सुरंग कन्नै पूरे बनी क्षेत्र का विकास काया पलट होई जाग। कल बनी च इक जनसभा की संबोधित करदे होई उनें आखेआ जे इस इलाके के विकास लेई प्रधानमंत्री हुंदी निष्ठा का अंदाजा इस गल्लै थमां लाया जाई सकदा ऐ जे त्री बारी प्रधानमंत्री का ओहदा साम्बने के दऊं हफ्तें के अंदर गै सड़क ट्रांसपोर्ट के राश्ट्रीय जरनैली सड़कें सरबंधी मंत्रालय नै 4 जहार करोड़ रपे दी लागत आली छतरगला सुरंग के निर्माण दी मंजूरी देई दिती गई।

उनें आखेआ जे एहदी मदद कन्ने एह रस्ता 12 म्हीने खुल्ले दा रौहग ते इलाके च सफलसफा, बपार कारोबार, आओजाई, कम्म-रोजगार, राजस्व ते आर्थिक विकास गी इक नमां उछाल थहोग। उनें आखेआ जे बनी इलाके च सैलसफा दी बड़ी मती समर्थ मजूद ऐ, इलाके च सड़क संपर्क मजबूत होने कन्ने इसी बड़ा मता बढ़ावा थहोग।

<><><><><><>

DEO-Udh

उधमपुर दिएं जिला चुनां अधिकारी सलोनी राय हौरें कल इक्क महत्वपूर्ण बैठक दी अध्यक्षता करदे होई चुनां ड्यूटी परत ैनात मलाजमें आस्सेया डाकें राएं वोट पाने दा विकल्प चुनने बारे मैहकमे साबबै जानकारी हासिल कीती। बैठक च रिटर्निंग अफसर, जिला सतह दे नोडल अफसर ते होर अधिकारी मजूद हे। बैठक दा मुख उद्देश्य सब्बनें योग्य मतदाता जेड़े अपने निर्वाचन हल्के च मजूद नेई, चुनां कर्मी, पुलस कर्मी ते चुनां ड्यूटी पर तैनात होर लोके दे बारे च पूरी जानकारी ते स्थिति हासल करना हा। जिला चुनां अफसर हौरें सब्बनें अधिकारिएं गी आखेआ जे ओह इस गल्लै गी यकीनी बनान ते पूरी प्रक्रिया च भारतीय चुनां आयोग दे दिशा-निर्देशें दी सख्ती नै पालमा यकीनी बनी सकै।

<><><><><><>

Rajouri-Training

जम्मू-कश्मीर च होआ रदे विधानसभा चुनाएं दे मद्देनजर राजौरी दे 5 विधानसभा हल्के लेई अगले गेइ च होने आले विधानसभा चुनाएं आस्तै मतदान अमले गी सफलतापूर्वक सिखलाई दिती गेई। एह कार्यक्रम जिला चुनां अधिकारी अभिषेक शर्मा हुंदी दिक्ख-रिक्ख च होआ। इस दौरान मतदान अमले गी लोइचदी सिखलाई ते जानकारी दिती गेई। अमले गी ई.वी.एम ते वी.वी-पैट मशीनें बारै ते उंदे संचालन सरबंधी सिखलाईद दिती गेई। एहदा मकसद चुनां प्रक्रिया गी सुचारूक ते रमानदारी आले ढंग्गे सिर सम्पन्न करोआना ऐ।

<><><><><><>

World Ozone day

विश्व ओजोन दिवस दे सिलसिले च कल सरकारी महिला कालेज परेड च पर्यावरण विज्ञान विभाग आस्सेया साइंस क्लब दे सहयोग कन्नै इक कार्यक्रम दा आयोजन कीता गेआ। इस मौके जम्मू-कश्मीर प्रदूषण नियंत्रण कमेटी थमां डॉ. अनुराधा बतौर माहिर मजूद हियां। इस मौके उनें धरती दी सुरक्षा लेई ओजोन परत दे महत्वै गी उजागर कीता ते आखेआ जे धरती पर जीवन ते सलामती लेई ओजोन परत बड़ी जरूरी ऐ ते एहदी हिफाजत लेई धरती दे बधदे तापमान गी रोकना बड़ा जरूरी ऐ। उनें मते शा मते बूहटे लाने, उर्जा संरक्षण ते ई-कचरे दे प्रबंधन दी जरूरतै पर जोर पाया। इस मौके पोस्टर मेकिंग कंपीटीशन दा सरिस्ता कीता गेआ जेदे जेतुएं ते प्रतिभागिएं गी सर्टिफिकेट बी दिते गे।

<><><><><><>